

Faahororaa no te *Faaineineraa* no te *putuputuraa* Oraraa e taviniraa

3-9 NO TENUARE

TAO'A RAU BIBILIA | TE MAU TAVANA 15-16

Te mau poe pae varua

w05-F 15/3 27 par. 6

Ua upootia Samasona maoti to lehova puai!

Hoê noa fa ta Samasona i tapi: Te aroraa i to Philiseti. Te tumu o 'na i haere ai i te fare o te hoê vahine taiata i Gaza, no te aro ia i te mau enemi a te Atua. Ua hinaaro o 'na i te hoê vahi taоторaa i roto i te hoê oire enemi, itehia mai nei ia 'na te fare o te vahine taiata. Aita o 'na i mana'o e taoto i tera vahine. I te tuiaraa po, ua faarue o 'na i te fare, haru ihora oia i na uputa o te oire e na piti pou e tatara ihora i te reira e te raau tarava atoa. Tuu ihora oia i te reira i nia i to 'na tapono e amo atura i nia i te tupuai mou'a i mua noa ia Heberona, e 60 kilometa ia te atea. Ua nehenehe o 'na e na reira maoti noa te puai o lehova.—Te mau tavana 16:1-3.

10-16 NO TENUARE

TAO'A RAU BIBILIA | TE MAU TAVANA 17-19

“E fifihia te taata o te ore e haapao i te ture a te Atua”

it-2-F 278

Mika

1. E ati Epheraima o Mika. Ua rave o 'na e 1100 moni ario a to 'na metua vahine, ua ofati ia o 'na i te va'uraa o na ture ahuru. (Ex 20:15) I to 'na fa'iraa i ta 'na hape, faaho'i atura o 'na i te moni a to 'na metua vahine e na ô a'era te metua vahine: “E haamo'a

mau â vau i ta 'u moni na lehova ia faaohi-pa oe i te reira no te hamani i te hoê tii taraihia e te hoê tii faatôhia. Te faaho'i atu nei ia vau i te reira ia oe.” Rave ihora o 'na e 200 moni ario e horoa 'tura i te hoê taata tupai ario. Hamani ihora te taata tupai ario i te tahi tii taraihia e te tahi tii faatôhia, e tuuhia a'era te reira i roto i te fare o Mika. “E vahi haamoriraa ta teie taata o Mika, e ua hamani oia i te tahi tiputa e te mau tii o te mau atua o te utuafare e ua faatoroa oia hoê tamaiti ta 'na ia tavini ei tahu'a.” Noa 'tu ua faanahohia te reira no te faahanahana ia lehova, e ere roa 'tu i te mea maitai. Te ofatihia ra hoi te ture no nia i te haamoriraa idolo (Ex 20:4-6) e te haafaufaa-ore-hia ra te sekene e te autahu'araa a lehova. (Tav 17:1-6; De 12:1-14) I muri a'e, rave ihora Mika ia lonatana te hoê ati Levi e faatoroa 'tura ia 'na ei tahu'a. E huaai o 'na o Geresoma, te tamaiti a Mose. (Tav 18:4, 30) Ua maururu Mika i teie faanahoraa e parau atura: “I teie nei ua ite au e hamani maitai lehova ia 'u.” (Tav 17:7-13) Tera râ, e ere lonatana i te huaai o Aarona, eita o 'na e nehenehe e tavini ei tahu'a. Te tahi atu ia hape ta Mika i rave.—Nu 3:10.

it-2-F 278-279

Mika

I muri a'e, tapapa ihora Mika e tahi atu pūpū tane i to Dana. Ani atura to Dana eaha teie tere. Na ô atura ia Mika: “Ua rave outou i to 'u mau atua ta 'u i hamani, e ua reva outou e ta 'u tahu'a atoa. Eaha te toe ra ia 'u?” Faara a'era te mau tamaiti a Dana ia Mika, ia tamau o 'na i te tapapa ia ratou, e rave ino ratou ia 'na. A ite ai Mika mea puai a'e te ati Dana, ho'i atura oia i to 'na fare. (Tav 18:22-26) I muri a'e, ua tairi e ua tanina te ati Dana

i to Laisa e patu atura i te oire o Dana i reira. Riro ihora Ionatana e ta 'na mau tamaiti ei tahu'a no te ati Dana “e faatia a'era ratou i te tii taraihia ta Mika i hamani, e vai noa 'tura taua tii ra i reira i te mau mahana atoa i vai ai te fare o te Atua mau i Silo.”—Tav 18:27-31.

17-23 NO TENUARE

TAO'A RAU BIBILIA | TE MAU TAVANA 20-21

Te mau poe pae varua

w14-F 1/5 11 par. 4-6

Ua ite anei oe?

Mea nafea te taora ofai i te faaohiparaahia i tahito ra?

Ua faaohipa Davida i ta 'na taora ofai no te haapohe ia Golia. Mai to 'na apîraa mai â to 'na faaohiparaa i te reira a ti'ai noa 'i te nănă mamoe.—Samuela 1, 17:40-50.

E itehia teie taora ofai i roto i te mau tao'a hamanihia e te taata e vai ra i Aiphiti e i Asura. E hamanihia te taora ofai i te hoê raau e taamuhia te taura iri animara aore ra uaua animara firihia e e vairaa ofai iti to te hopearaa. E tuuhia te ofai menemene e te manina maitai i roto i to 'na vairaa. E 5 tae atu 7,5 tenetimetara te tiametera to taua ofai ra, fatata roa 250 tarama. E faaohu-vitiviti-hia te reira i nia i te upoo a tuu taue atu ai i te hoê o na taura.

A paheruhia 'i na hitia o te râ no ropu, ua itehia mai e rave rahi ofai tei faaohipahia i roto i te mau tama'i i tahito ra. E nehenehe te hoê aito faaineine-maitai-hia e taora i te ofai i te hoê atearaa 160 tae atu 240 kilometera i te hora! Ua mana'o vetahi aivanaa e au te taora ofai i te fana. No vetahi atu râ, aita roa 'tu. E nehenehe tera mauhaa e haapohe roa i te taata.—Te mau tavana 20:16.

31 NO TENUARE–6 NO FEPUARE

TAO'A RAU BIBILIA | RUTA 3-4

“E roo maitai noa to tatou e tia 'i”

w12-F 1/10 22 par. 5

“E vahine maitai roa”

Mea papu e ua mahanahana te aau o Ruta i to Boaza parauraa ma te reo mărû: “Ia haa-maitai lehova ia oe, ta 'u tamahine. Ua faa-ite oe i to here taiva ore i teie nei taime hau a'e i te taime matamua, ma te ore e na muri i te mau tane apî, te veve aore ra te tao'a rahi.” (Ruta 3:10) “I te taime matamua,” ua faaite Ruta i te here taiva ore i to 'na peeraa ia Naomi i Iseraela e to 'na aupururaa ia 'na. “I teie nei taime,” i to 'na 'ia fariiraa e faaipoipo ia Boaza. Ua ite Boaza e e nehenehe te hoê vahine apî mai ia Ruta e imi i te hoê tane apî a'e, mea ona aore ra mea veve. Aita râ, ua hinaaro Ruta e hamani maitai eiaha noa ia Naomi, i te tane atoa râ a Naomi tei pohe. Ua hinaaro oia ia vai noa te 'i'oa o Eli-meleka. E ere 'ia i te mea maere i faahiahia roa 'i Boaza i teie vahine apî o tei haapao na mua ia vetahi ê!

w12-F 1/10 23 par. 1

“E vahine maitai roa”

Eaha râ paha Ruta i te oaoa a mana'o ai oia i ta Boaza i parau ia 'na! Ua ite te taata atoa e “e vahine maitai roa” o 'na. Mea papu e no to 'na hinaaro rahi e ite o vai lehova e e tavini ia 'na i matauhia 'i o 'na mai tera. Ua hamani maitai rahi e ua aumihi atoa o 'na ia Naomi e i to 'na nunaa, ma te farii i te hoê oraraa apî e te mau peu tumu ta 'na i ore i matau. No te pee i to Ruta faaroo, e faatura roa ana'e 'ia i to tatou taata tupu noa 'tu eaha to ratou huru oraraa e ta ratou peu tumu. Ia na reira tatou, e maitai 'ia to tatou roo.

w12-F 1/10 24 par. 3
“E vahine maitai roa”

Faaiipoipo atura Boaza ia Ruta, e faatia mairā lehova ia hapû e ia fanau Ruta i te hoê tamaiti. Ite a'era te mau vahine no Betelehe-
ma e ua haamaitahia Naomi e e maitai rahi a'e to Ruta i e hitu tamarii. I muri mai, e riro te tamaiti a Ruta ei tupuna no te arii rahi ra o Davida. (Ruta 4:11-22) E riro Davida ei tupuna no Iesu Mesia.—Mataio 1:1.

7-13 NO FEPUARE

TAO'A RAU BIBILIA | SAMUELA 1, 1-2

“A haamahora i to aau ia lehova na roto i te pure”

w07-F 15/3 16 par. 4
Mea nafea to Hana iteraa i te hau?

Ia haamahora tatou i to tatou aau ia leho-
va, e faaite pauroa 'tu tatou i to tatou mau huru aau e eaha ta tatou e hinaaro mau. Aita ana'e ta tatou e ravea i mua i te tahi fifi, e tuu ana'e i te reira i roto i te rima o le-
hova. Aita 'tu aratairaa maitai a'e ia pee ta-
tou.—Maseli 3:5, 6.

21-27 NO FEPUARE

TAO'A RAU BIBILIA | SAMUELA 1, 6-8

“O vai to outou arii?”

it-2-F 827 par. 1
Te Faatereraa arii a te Atua

Te ani ra te nunaa ia faatoroahia te hoê arii no ratou. Fatata 400 matahiti i muri a'e i te faatiamâraahia e hau i te 800 matahiti i te haamauraahia te faufaa ta te Atua i faaau ia Aberahama, ua onoono te mau Iseraela ia faatoroahia te hoê arii ei aratai no ratou mai te tahi atu mau nunaa. Na roto i teie aniraa,

ua patoi ratou i te tiaraa mana arii o leho-
va. (Sa1 8:4-8) Parau mau, ua tia i te nunaa ia haamau lehova i te hoê faatereraa arii ia au i ta 'na i fafau ia Aberahama e Iakoba. Ua niuhia teie tiaraa i nia i te parau tohu no nia ia Iuda ta Iakoba i tohu i nia i to 'na ro'i poheraa (Ge 49:8-10), i nia i ta lehova i parau ia Iseraela i muri a'e to ratou faatiamâ-
raahia (Ex 19:3-6), i nia i te faufaa o te Ture (De 17:14, 15) e i nia i te poroi ta te Atua i horoa na roto i te peropheta Balaama. (Nu 24:2-7, 17) Ua faaite Hana, te metua vahine o Samuela, i te reira i roto i te hoê pure. E vahine haapao maitai o 'na. (Sa1 2:7-10) Aita râ lehova i faaite pauroa i te “parau huna mo'a” no nia i tera faatereraa arii. Aita atoa o 'na i haapapu i te taime e ihea roa teie faa-
tereraa arii e haamauhia 'i, i te fenua anei aore ra i te ra'i. No reira ia, ma te teoteo, ua onoono te nunaa ia faatoroahia te hoê arii no ratou.

w11-F 1/1 27 par. 1
Ua mau papu oia noa 'tu te mau tupuraa faatoaruaru

A tapao na i ta lehova i pahono a pure ai Samuela no nia i teie ohipa. Te na ôhia ra: “A faaroo i te mau mea atoa ta te nunaa e parau ia oe. E ere hoi o oe ta ratou i patoi, o vau râ ta ratou i patoi ei arii no ratou.” Ma-
hanahana ihora to Samuela aau. Mea tuhi iho â ta Iseraela i te Atua Manahope. Parau atura lehova ia Samuela ia faaara ia ratou i te mau faahopearaa e tae mai i nia ia ratou no to ratou aniraa i te hoê arii taata. Ua faaara 'tu Samuela. Na ô maira ratou ma te onoono: “Ua faaoti matou ei arii te faatere ia matou.” Ma te auraro noa i to 'na Atua, haere atura Samuela e faatahinu i te arii ta lehova i maiti.—Samuela 1, 8:7-19.